

ՄՈԿՍԻ ՀԱՅԿԱԿԱՆ ԿԱՌԱՎԱՐՈՒԹՅՈՒՆԸ
(1915թ. մայիսի 15 - հուլիսի 15)
ՎԱՅԱՆ ՄԵԼԻՔՅԱՆ

«Եթե կուզեք բախտորոշ ծառայություն մատուցանել ձեր ազգին, սորվեցրեք անոր, ամեն բանն առաջ, հավատալ իր սեփական բազուկին, որն ավելի զորավոր է, քան կարող են կարծել իր արտաքին թշնամիները. Վանը հավատաց ու հաղթեց»:¹ Սա Գ. Նժդեհի խոսքն է, ասված 1930թ. Վանի հերոսամարտի 15-ամյակի առթիվ: 1915թ. Հայոց ցեղասպանության արհավիրքի մեջ ծառս եղավ Վանը, Վասպուրականի հայությունը: Մայիսի 27-ին հրապարակվեց Ամենայն Հայոց կաթողիկոս Գևորգ Ե-ի ողջույնի կոմիտեի՝ ուղղված վասպուրականցիներին:²

Վանի մահանգի 14 հայկական գավառների շարքում առանձնահատուկ ուշադրության է արժանի Մոկսը: Թերևս այն պատճառով, որ Վան-Վասպուրականի այս փոքրիկ գավառակը ոչ միայն զերծ մնաց զանգվածային կոտորածներից, այլև մեծապես մպաստեց Վանի ապրիլյան հերոսամարտի ռազմաքաղաքական, վարչական ու տնտեսական վիճակի կայունացմանը: Այդ առումով Հայոց ցեղասպանության պատմության համար չափազանց կարևոր են մաս Մոկսի թողած դասերը, մանավանդ որ՝ առ այսօր այն մեր պատմագրության կողմից չի արժանացել պատշաճ ուշադրության:

1915թ. հունվարից սկսած Վասպուրականի ռազմաթիվ հայաշատ գյուղեր ենթարկվեցին թալանի ու հրկիզման: Վերին Կարկառի (Վանի մահանգ) ողջ հայությունը, շուրջ 3000 մարդ³, ինչպես մաս հարևան Բիթլիսի (Բաղեշ) մահանգի Ստորին Կարկառի 1938 տարագիրներ⁴, հիմնականում ապաստան գտան Մոկս, Գավաշ ու Հայոց Չոր գավառներում:⁵ Չանգվածային կոտորածների ալիքն աստիճանաբար ծավալվում էր դեպի Վասպուրական: Տարոնի, Բիթլիսի դեպքերից հետո Վանի մահանգի հայության բնաջնջումն ու հայաթափումը կնշանակեր վերջնականապես կոտրել արևմտահայության դիմադրության ոգին՝ Արևմտյան Հայաստանի հայկական հոծ բնակչություն ունեցող վայրերում: Վանի ինքնապաշտպանությունը, միաժամանակ ապահովելու էր քաղաքի, ապա և, փաստորեն, մահանգի ու մաս հարակից հայկական շրջանների անվտանգությունը: Վանի հաղթանակի պատմական նշանակությունն էր այդ օրերին փաստում Միքայել Վառանդյանը: Նա, մայիսի 10-ին, խորհրդանշական վերտառու-

բյուրը կրող «Երեք Բվական. 1895, 1905, 1915» հոդվածում գրում էր. «Հոգե-
հանգիստներ են կատարվում այսօր մահատակների բարձր դամբարան-
ների շուրջը և միաժամանակ ցնծության մի ճիշ է անցնում հազարավոր
արձագանքներով հայ աշխարհի վրայից, մի ցնցող ու խանդավառող
ավետիս՝ Վանը գրավված է»:⁶ Վանը հարկադրեց մահ խոսել ռուսական
բարձրաստիճան գործիչներին, որոնք ելնելով քաղաքական նկատառում-
ներից, շուրջ ինն ամիս լուռ էին հայկական կամավորական շարժման
նկատմամբ: Պետական Դումայի հուլիսյան նիստերում, ցավոք Վանի ող-
բերական մահացից հետո արդեն, ղրվատանքի ու հիացմունքի խոսքեր
էին ասում արտաքին գործերի մինիստր Սազոնովը, կոմս Բոքրիմսկին,
Մարկովը: «Հայերը ենթարկվում են անլուր հալածանքների, որը սակայն չի
ընկճել նրանց ոգին, - նշում էր Սազոնովը, - հայկական խմբերը արիաբար
կռվում են մեզ հետ իրենց բռնացողների դեմ: Վանում նրանք մի ամսի չափ
դիմադրեցին թուրքերի գլտհին»:⁷ Միքայել Պապաջանյանը վկայում էր հայ
ժողովրդի բարձր հայրենասիրական զգացմունքների մասին. «Չկան գո-
հեր, - իր ճառում նշում էր նա, - որոնց առջև կանգ առնեին հայերը այս մեծ
պատերազմի ժամանակ»:⁸ Վանի համահայկական նշանակության մասին
է վկայում մահ այն, որ բացի հերոսամարտի կազմակերպիչներից, այստեղ
էին կենտրոնացել արդեն մեծ համբավ ունեցող, ինչպես և ապագա նշանա-
վոր ռազմական ու քաղաքական գործիչներ՝ Խեչոն, Քեռին, Համազասպը,
Անդրանիկը, Վարդանը, Դրոն⁹, Նժդեհը, Միր. Տիգրանյանը (Վանի փոխ-
նահանգապետ), Արտակ Դարբինյանը (մահանգային վարչության դիվա-
նապետ), Սարգիս Արարատյանը, Համո Օհանջանյանը, Հրանտ Գալիկ-
յանը, Ավետիս Թերզիբաշյանը:¹⁰ Ավելի ուշ Վան եկան Հովհ. Թումանյանը,
Ռուստոնը:¹¹ Հիշարժան է մահ, որ աշուղ Ջիվանիի որպիսի՝ Պարույր Լևոն-
յանը, Արամ Մանուկյանի՝ ռուսերենի թարգմանիչն էր:¹²

Մոկսի ու նրա գավառապետության յուրահատուկ կացությունն անմի-
ջականորեն կապված է Վանի ազատագրումից հետո (Մայիսի 6) մահան-
գում տիրող ռազմաքաղաքական իրադրության հետ:

Նախ, ռուսական հրամանատարությունը՝ զենքերալ Օզանովսկին,
Վան մտած ռուսական բանակի հրամանատար, զենքերալ-մայոր Նիկո-
լանը, Արամին նշանակելով Վանի մահանգապետ, շեշտում էին մի շարք
հանգամանքներ. 1. նորաստեղծ վարչակարգը ժամանակավոր է, 2. այն
ռազմական բնույթ ունի, 3. կազմվելու է միմիայն հայերից և հենվելու է հայ
երկրապահների վրա, 4. Արամը մահանգապետ է հաստատվում այն պայ-
մանով, որ ենթարկվի երկրապահ գործի ապագա հրամանատարին և
5. նրա միջոցով պետք է կատարվեն զինվորական իշխանության բոլոր
կարգադրությունները:¹³ Այն, որ նորաստեղծ ռազմականացված բնույթի
վարչությունը (հանդիսավոր է մահ օգնության կոմիտե - Վ. Մ.) Վանի մա-
հանգում ունենալու էր իր ենթակա մանամատիպ մասնաճյուղների ցանց, մի-
անգամայն պարզ է: Միաժամանակ, մեր կարծիքով, Արամ Մանուկյանի՝
որպես հեռաւտես քաղաքական գործչի տաղանդը կայանում է նրանում, որ
նա, շրջանցելով իր լիազորությունների սահմանը, հաշված օրերի ընթաց-
քում, նախաձեռնում է Վանի մահանգի 14 գավառապետությունների հիմ-
նումը: Դրանով, մա ազատագրված Վանի մահանգին հաղորդում էր ազգ-
ային-քաղաքացիական վարչակարգի կարգավիճակ, ձևավորում էր փոխ-
համաձայնեցված գործունեությամբ օժտված ազգային կառույց՝ գործադիր
մարմին, այլ խոսքով, իրականացնում էր մահանգի հայացումը: Ռազմա-

կան հաջողություններն առայժմ ընձեռում էին այդպիսի հնարավորություն՝ թուրքական կանոնավոր զորամասերը հեռացել էին Վանի նահանգից, հիմնականում կենտրոնացնելով Մոսուլում ու մասամբ՝ Բիթլիսում, թեև դեռ պահպանվում էր քրդական հարձակումների վտանգը:

Համադրելով ժամանակի պատմական սկզբնաղբյուրները, իրավամբ քանկարժեք այդ պատահիկների օգնությամբ փորձենք ի հնարավորինս ամբողջությամբ վերականգնել Մոկսի հայության երկամսյա հերոսապատումը:

Վանի ազատագրումից հետո կամավորական երկրորդ ջոկատը՝ Դրոյի գլխավորությամբ շտապեց Շատախ, ուր տեղի հայությունը դեռ Վանից առաջ ապստամբել էր և շարունակում էր դիմադրել թուրքական ու քրդական զորքերին:¹⁴ Շատախը մաքրելով հակառակորդից Դրոն ձեռնամուխ եղավ Մոկսի ազատագրմանը: Նրա կարգադրությամբ Դալի-Ղազարի, Յապոնի, Տիգրանի հայրուրակներն ու Մարտիրոսի վաշտը՝ Գ. Նժդեհի հրամանատարությամբ արշավում են Մոկսի ուղղությամբ:՝ Մայիսի 8-ին Վանից դուրս եկած Նժդեհը մի շարք մարտերից հետո (Սիսյար-Դերե՝ 1915թ. մայիսի 11, Ավասի՝ մայիսի 12, Շատախ՝ մայիսի 13 և Մոկյանց՝ մայիսի 17) մայիսի 19-ին գրավում է Մոկսը:¹⁵ Դրոն Մոկսի պաշտպանությունը հանձնարարելով Նժդեհին, իր զորամասի հիմնական ուժերով տեղափոխվում է Ախթամար, ապա Սուրբ Հակոբ:¹⁶

Մոկսի գավառակն ուներ 48 հայկական և նույնչափ էլ քրդական գյուղեր: Ընդհանուր առմամբ հայկական գյուղերում կային 721 տուն, 4459 բնակիչ:¹⁷ Ենչերի թվով մեծ էին, հատկապես, Հադին, Կայթանց, Առինց, Տմնիս, Ծափանց, Գիտրիս, Սորս և այլ գյուղերը:¹⁸ Ինչպես նշել է ժամանակի մամուլը. «Հայ ժողովուրդը ծիծաղը շրթներին, շշմած, զինված այդ անգոհ ազատությունից, անսահման ցնծությամբ դիմավորեց իր ազատարարին»:¹⁹ Պակաս ոգևորված չէին նաև կամավորները, որոնք Բայազետից հետո առաջին անգամ մոխրի ու դիակների փոխարեն տեսնում էին շեն գյուղեր՝ թե իրենց բնիկ և թե փախստական բնակչությամբ: Մինչև կամավորների մուտքը Մոկսում գոհվել էին միայն վեց մարդ: Այսպիսի բացառիկ և անսպասելի ելքը բացատրվում է հետևյալ հանգամանքներով.

Մուաջին – 1915թ. սկզբին, տեղի ունեցած մասնակի դեպքերը, ազատագրական շարժման աչքի ընկնող գործիչների՝ Վուսնյանի, Իշխանի ձերբակալություններն ու սպանությունը, մի խոսքով՝ կուտակվող մեծ աղետը ոչ միայն չհուսահատեցրեց, այլ ընդհակառակը, Վանի փորձառու գործիչների (Արմենակ Եկարյան, Կայծակ Առաքել, Արամ Մանուկյան, Բուլղարացի Գրիգոր) շնորհիվ՝ կազմակերպված հունի մեջ դրեց ինքնապաշտպանության գործը: Հայ Հեղափոխական Դաշնակցության ջանքերով Վանի գավառներում կազմակերպվեցին զինվորական մարմիններ: Դրանք ուղղակիորեն ենթարկվում էին Վանի Զինվորական մարմնին, որը գլխավորում էր Արմենակ Եկարյանը (ռամկավար): Այդպիսի մի մարմին ձևավորվեց Մոկսում: Իրատեսի քաղաքականության շնորհիվ այն կարողա-

* Հարկ է նշել, որ ժամանակի պատմական սկզբնաղբյուրները չեն հիշատակում Նժդեհի անունը: Բոլորովին վերջերս մեր կողմից հայտնաբերված արխիվային փաստաթղթերը լույս են սփռում Նժդեհի 1914-1917թթ. մարտական գործողությունների, ու նաև՝ Մոկսի հետ կապված մանրամասների վրա: (Տե՛ս ՊԲՀ, 2001թ., հ. 1):

ցավ Մոկսի հայ-քրդական համատեղ բնակչություն ունեցող շրջանում գոմե ժամանակավորապես պահպանել ազգամիջյան նորմալ հարաբերություններ:

Երկրորդ - Դեռ 1896թ. համիդյան կոտորածների ժամանակաշրջանում, ինչպես և 1915թ., Մոկսում իր բացահայտ խաղաղասիրտությամբ և հայամետ վարքագծով աչքի էր ընկել քուրդ ցեղապետ Մորթուլահի (Մոհթուլա) բեկը: Նա, իհարկե, եզակի բացառություն էր կազմում քրդական ցեղապետների միջավայրում, գիտակցում էր, որ քուրքերը քրդերին օգտագործում են իրենց հակահայկական ծրագրերում: Թուրքական իշխանությունները տեղյակ էին այդ մասին: Շատախի գաղմագամը Վանի կուսակալները տեղյակ էին այդ մասին: Շատախի գաղմագամը Վանի կուսակալ Ջևդեթին գրում էր. «Այսօր Մոկսի գծով եկող ջոկատի հրամանատարը կտեղեկացնե, թե Մոկսի մյուսիք Մոհթուլահի բեկը հայոց դիմումին վրա իրենց բնակարանի և ինչքի անձեռնմխելիությունը ընդունած և քրդերուն հրամայած է հրացաններուն ձեռք չտալ»: ²⁰ Այստեղից պարզ է դառնում նաև այն, որ կոտորածի նպատակով Մոկսի շրջանն ուղարկված քուրքական ջոկատը հանկարծակիի եկած, ձեռնուհայն ետ էր վերադառնում:

Երրորդ - Մոկսում ակտիվորեն գործում էին տեղական հայկական ինքնապաշտպանական ջոկատներ՝ Լաթ խմբապետի գլխավորությամբ, որոնց ներկայությունն ու վճռակաճությունը, իրենց հերթին քրդական միջավայրում, ապահովում էին թեև անկայուն, բայց խաղաղությունը:

Չորրորդ - Վանի հաղթանակը և որպես դրա հետևանք՝ Դրոյի ջոկատի մուտքը հարևան Շատախ, ինչպես և հունիս-հուլիսին Ջևանի, Սորբի ու Դատվանի երկու հաղթական ճակատամարտերը մեծապես նպաստեցին Մոկսի խաղաղ արդյունքին:

Եվ վերջապես՝ **հինգերորդ** - Վանի ապրիլյան հերոսամարտերի շնորհիվ կտրուկ փոխվեց քուրքական գորքերի հարաբերակցությունն ու շարժը: Դիմանի մոտ ջարդված Խալիլ բեյը, որը շտապում էր Վանում միանալ Ջևդեթի գորքերին, ընկավ շրջապատման օղակի մեջ, մի կողմից Բաշկալայի, Ռևանդուզի, մյուս կողմից՝ դեպի Բիթլիս տանող Մոկսի ու Շատախի շրջանում: Մայիսի 22-ին հայկական ուժերի հարձակումից հետո, Խալիլը նահանջեց Լևինի հովիտը, որտեղից էլ սկսվեց վերջինիս անկանոն փախուստը: Խալիլ բեյի նախկին կորպուսը դադարեց գոյություն ունենալուց: ²¹ Սարգիս Արարատյանը Խալիլ փաշայի հապճեպ նահանջը բացասարում էր նրանով, որ վերջինս մտադրվել էր Մոսսուլում կենտրոնացնել իր ուժերի մնացորդները. Ջևդեթը քուրքական ուժի նոր կենտրոն էր փորձում ձևավորել Բիթլիսում: Հիմնականում այս ուժերով էլ քուրքերը ծրագրել էին պաշտպանել Ուրմիայից մինչև Ջուլամերիկ ձգվող ճակատագիծը, ինչպես և Շատախ-Մոկս-Կարճկան և Խլաթ-Կոփ շրջանները: Մինչև մայիսի 29-ը Մոկսի լեռներում, հունիսի 8-ին Սպարկերտում, Կարճկանում տեղի ունեցած մարտերը ենթադրել են տալիս, որ Ջևդեթին հաջողվել էր Բիթլիսի և Մուշի քուրքական ջոկատները միավորել Կարճկանում: Նպատակը՝ Վանա լճի երկու ափերով շարժվող հայ կամավորների և ռուսական զորքերի առաջխաղացումն ու միացումը կանխելն էր: ²² Գերբե նույն մտահաղացումն էր հետապնդում նաև Խալիլը, որին օգնության էին շտապում Անկարայի դիվիզիան, Էրզրումի թերդապահ բանակի մի մասը, ինչպես նաև տխրահռչակ Մուսա-բեկի և շեյխ Աբդուլլայի քրդական հրոսակները: ²³ Մայիսի կեսերին Վասպուրականի հարավային սահմանակից գավառներ, այդ թվում և Մոկս, ուղևորվեց Վանի Ջինվորական մարմնի պետ

Արմենակ Եկարյանը: Նա համզեց այն եզրակացության, որ հարավի ստրատեգիական կարևորագույն շրջանների՝ Շատախի, Մոկսի, Նորդուզի, Գավաշի և Հայոց ձորի պաշտպանության համար անհրաժեշտ է ևս հազար զինվոր:²⁴

Այս բարդ ու պայթյունավտանգ իրավիճակում էին դիմակայում մոկաց ժողովուրդը և գավառապետությունը:

Մոկսի ազատագրումից հետո Վանի Նահանգային ժամանակավոր վարչության կողմից, ի թիվս մյուս գավառների, այստեղ ևս ձևավորվում է գավառապետություն:²⁵ Բարվի «Արև» թերթի 1918թ. մի համարում այն ստացել է «Մոկսի կառավարություն» անվանումը:²⁶ Ի դեպ՝ թե ինչու էին գավառապետությունները ու մաս Վանի շրջանային վարչությունը կոչվում կառավարություններ, կարելի է հետևյալ կերպ բացատրել. ա) դա հետևանք էր Վանի հերոսամարտի ղեկավար գործիչների, մայիս և առաջ Արամ Մանուկյանի հետատես գործելակերպի, որոնք ռուսական հրամանատարության կողմից ստեղծվող զուտ ռազմականացված վարչակարգին աշխատում էին ազգային-քաղաքացիական մկարագիր հաղորդել (այս առումով լավագույն զուգահեռը կարող է լինել Հ. Ջավրիյանի՝ 1917թ. գործունեությունը Արևմտյան Հայաստանի Գեներալ-կոմիսարությունում), բ) այն պայմանավորված էր հայ ժողովրդի և նրա ազգային ղեկավար ուժերի կողմից ինքնորոշման մեծագույն ձգտումով, երբ պատերազմի հաղթական ավարտի պայմաններում Արևմտյան Հայաստանի ազատագրումը կարող էր իրականություն դառնալ, ուստի և շեշտվում էր ազատագրվող տարածքների հայկական պատկանելությունը, գ) առկա էր մաս սուրյնկտիվ գործոն, երբ առավել ազդեցիկ Դաշնակցություն կուսակցությունը, ի հակակշիռ Վասպուրականում ավանդաբար գործած արմենական-ռամկավարների, ընդգծում էր իր վարկն ու ազդեցությունը ոչ միայն այստեղ, այլ ողջ Արևմտյան Հայաստանում:

Գործունեության առաջին փուլում ռազմա-քաղաքացիական այդ մարմինների նպատակը խաղաղության և կայունության հաստատումն էր, ինչպես մաս Վանի հրահանգների իրականացումը: Երկրորդ փուլում, բարդ և բազմաբնույթ խնդիրների ասպարեզ գալու հետ մեկտեղ, միայն զինվորական մարմինն ի վիճակի չէր հոգալ դրանց մասին, ուստի և «մեկ-երկու գավառներում վարչական կազմը բարդ կերպարանք ընդունեց, ընդօրինակելով կենտրոնական կառավարության ձևը»:²⁷ Առաջնակարգ լուծում պահանջող խնդիրներն էին տեղական միջոցներով բանակի մատակարարման, ներքին դատական գործերը կարգավորելու, տուժածներին ու փախստականներին օգնելու, դիրքերը պաշտպանելու, դաշտային աշխատանքները վերսկսելու և այլ հարակից հարցեր, որոնք Մոկսում ևս «կառավարություն հիմնելու անհրաժեշտություն ստեղծեցին»:²⁸ Գավառապետությունների աշխատանքը վերահսկում էին Նահանգային վարչությանը ենթակա Գավառային վարչությունը և գավառական ոստիկանությունը: Ոստիկանության ամբողջ թիվը կազմում էր 360 հոգի՝ 40 տասնամյակներով:²⁹ Մոկսի գավառապետ է նշանակվում Գրիգոր Նահապետյանը, տեղակալ՝ Կարապետ Ղազարյանը:³⁰ Ձևավորվում են հինգ մարմիններ. 1. *Գավառական վարչություն* – վարում էր գավառի ընթացիկ գործերը, միևնույն ժամանակ կատարում էր մաս դատական մարմնի դեր, 2. *Տնտեսական մարմին* – պարեն էր մատակարարում կամավորներին, ավերված հարևան գյուղերի զաղթականությանն ապահովում էր սննդամթերքով,

3. Ոստիկանական կազմ – իրականացնում էր գավառապետի և զինվորական պետի հրահանգները, 4. Շրջանային ինքնապաշտպանության մարմին – հոգում էր գավառի ինքնապաշտպանության գործը, զինում էր տեղացիներին, կամավորների հետ համատեղ զինյալ պահակներ էր դնում առավել վտանգավոր վայրերում, իր հերթին հսկում էր ներքին անդրադատությունը ավելի ուշ ձևավորվեցին շրջանային ինքնապաշտպանական մարմիններ, 5. Գաղթականության խնամքի համաձայնագրով – այն գաղթականությունը տեղափոխում էր առավել բարվոք, ազատ և անվտանգ վայրեր, հոգում էր ինչպես մորեկ, այնպես էլ հին փախստականների բոլոր հոգսերը, անգամ հող էր տրամադրում:

Մոկսում զգացվում էր, ինչպե՞ս, գործին քաջատեղյակ, հմուտ կադրերի պակաս: Մոլեգնող տիֆի պայմաններում առաջնահերթ էր դառնում բժշկական խմբերի ու դեղորայքի առաքումը Վասպուրական: Այդ մասին է վկայում Արամ Մանուկյանի «Ընդհանուր դիմումը», որտեղ մի շարք գավառների շարքում հիշատակվում էր մաս Մոկսը: Վանի կոչին արձագանքում է Ս. Էջմիածինը, Բաքվի «Շղթայրական օգնության կոմիտեն», Թիֆլիսի ՀՅԴ կենտրոնական կոմիտեն ու «Հայ բարեգործական ընկերությունը»: Վասպուրական մեկնած բժիշկների բազմամարդ խմբերում հիշատակվում է մաս Համո Օհանջանյանի անունը:³¹

Մոկսի գավառապետության երկու ամսվա գործունեության արդյունքում՝ այս փոքրիկ գավառակը միմիայն իր պահուստներով կարողացավ կերակրել 600-800 կամավորների և այդքան էլ գաղթականության:

Շարունակվող ռազմական գործողությունները, Բիթլիսի անկումը, մասնավորապես, չդադարող քրդական հարձակումներն ապակայունացնում էին ընդհանուր իրավիճակը: Հունիսի կեսերին Մոկսում վերսկսվեցին քրդերի հետ ընդհարումները: Վանում հրատարակվող «Աշխատանք» թերթը վկայում էր, որ «... վերջին սլիմամարտ կռվի մը մեջ քրդերը կորսուցած են հարյուրի չափ սպանմեալ, որոնցմե մի քանիսը Մոկսի բռնապետերն են»:³² Հավանաբար այդ ընդհարումների ժամանակ սպանվել է մաս Մորթուկ բեկը, քանզի դրանից հետո չենք հանդիպում մրա անվան հիշատակմանը: Հուլիսի 12-ին քրդերը հարձակվել էին Մոկսի վրա: Հայերի ինքնապաշտպանական խումբը ենթարկվելով հանկարծակի հարձակման, ստիպված հեռանում է հայկական կենտրոններից: Հուլիսի 13-ին Հադին գյուղի մոտ՝ Կարմիր Կամուրջ կոչված դժվարանցանքի վայրում, քրդական խմբի հարձակման հետևանքով զոհվում է Մոկսի հերոսը՝ Ոզմեցի Լարոն, իր 26 ընկերների հետ. դրանց թվում էին մաս Դրոյի զնդի հայ կամավորներից շատերը: Այս դեպքերի կարևորության մասին է վկայում այն, որ Արամն այդ մասին զեկուցում է զեներալներ Նիկողաևին և Օզանովսկուն: Որպես պատասխան զինաթափվում է Արդու-Ռիզակ քրդական գյուղը, իսկ մրա 300 հոգիանոց բանակը հեռացվում է Արադայի դաշտի իրենց գյուղերը:³³

Մոկսի համեմատաբար խաղաղ կյանքն ավարտվում է Վանից ռուսական զորքերի մահաճգով: Վանի մոտակա և հյուսիսում գտնվող գավառների գաղթող բնակչությունը շարժվեցին Վանից գաղթող բնակչության հետ միասին, մինչդեռ Հայոց Չորի, Գավաշի, մահավանդ Մոկսի ու Շատախի գաղթող բնակչությունը ուշանում էր և Վան կհասներ 3-4 օր հետո: Մոկաց ժողովուրդը ևս բռնեց մահաճգի ու գաղթի ճամփան՝ «Քի մինչ այդ անկորուստ երիտասարդների զերեզմանները դնելու Բերկրիի հովտում և Արա-

րատյան դաշտում»:³⁴ Մոկսի և Շատախի հայությունը զաղթում էր Նժդեհի և Մեսրոպի վաշտերի պաշտպանությամբ:³⁵

Ամփոփենք՝ շարունակվող հայկական ցեղասպանության, ռազմական ակտիվ գործողությունների բարդ, ողբերգական իրականության մեջ, Մոկսի հայությունը կարողացավ ոչ միայն երկու ամիս անկորուստ դիմակայել, այլև շատ կարճ ժամկետում ստեղծեց քաղաքացիական կայուն և գործող իշխանություն: Մեր կարծիքով սա է Մոկսի հայկական կառավարության հիմնական դասը: Հարկ ենք համարում նշել նաև, որ հետագա հետազոտման կարիք ունի Վասպուրականի 14 գավառապետությունների ամբողջական պատմության ուսումնասիրումը, ինչը, մեր համոզմամբ, կլրացնի ոչ միայն Վասպուրականի պատմության ուսումնասիրման բացերը, այլև որոշակի պարզեցում կբերի Վանի մահաճյի բազմիցս քննարկված խնդրին:

ՇԱՆՈԹԱԳՐՈՒԹՅՈՒՆՆԵՐ

- ¹ Մխիթարյան Օն. Վանի հերոսամարտը, Մոֆիա, 1930:
- ² Մշակ. Թիֆլիս, 1915, 11 հուլիսի:
- ³ Դարբինյան Արտ. Հայ ազատագրական շարժման օրերեն, Փարիզ, 1947, էջ 295:
- ⁴ Արև, Բաքու, 1915, 25 հունիսի:
- ⁵ Արսեն Ա. Կեռնկիզյան. Վասպուրականի հերոսամարտը, Բեյրութ, 1965, էջ 52:
- ⁶ Արեգ, Բաքու, 1915, 10 մայիսի:
- ⁷ Արև, Բաքու, 1915, 23 հուլիսի:
- ⁸ Նույն տեղում:
- ⁹ Երամյան Հ. Հուշարձան Վան-Վասպուրականի, հ. Բ, Ալեքսանդրիա, 1929, էջ 324:
- ¹⁰ Աշխատանք, Վան, 1915, 13 հունիսի:
- ¹¹ Արմենիա, Մարսել, 1915, 28 հուլիսի:
- ¹² Դարբինյան Արտ. նույն տեղում, էջ 331:
- ¹³ Մխիթարյան Օն. նույն տեղում, էջ 214:
- ¹⁴ Արև, 1915, 6 հունիսի:
- ¹⁵ ՀՀ ՊԿՊԱ, Հավաքածուների ֆոնդ, ֆ. 1, ց. 2, գ. 85, ք. 61:
- ¹⁶ «Դրո», Երևան, 1991, էջ 45:
- ¹⁷ Արտակ Դարբինյանը նշում է 7500 թիվը, տես՝ նույն տեղում, էջ 308-310:
- ¹⁸ Ա.Դ. Մեծ դեպքերը Վասպուրականում, 1914-1915, Երևան, 1917, էջ 17:
- ¹⁹ Արև, 1918, 13 փետրվարի:
- ²⁰ Դարբինյան Արտ. նույն տեղում, էջ 308-310:
- ²¹ Հորիզոն, Թիֆլիս, 1915, 29 մայիսի:
- ²² Արև, 1915, 13 հունիսի:
- ²³ Նույն տեղում, 4 հուլիսի:
- ²⁴ Հուշեր Արմենակ Եկարյանի, Կահիրե, 1967, էջ 242:
- ²⁵ Աղբյուրներում հաճախ հիշատակվում է նաև որպես կառավարություն, տվյալ դեպքում Սարգիս Արարատյանն այն կոչում է Վասպուրականի կառավարություն, տես՝ Արև, 1915, 17 հունիսի:
- ²⁶ Արև, 1918, 13 փետրվարի:
- ²⁷ Նույն տեղում:
- ²⁸ Նույն տեղում:
- ²⁹ Մխիթարյան Օն. նույն տեղում, էջ 218:
- ³⁰ Աշխատանք, 1915, 13 հունիսի:
- ³¹ Նույն տեղում:
- ³² Հորիզոն, 1915, 5 հուլիսի:

³³ Նույն տեղում, 21-22, 24 հուլիսի:

³⁴ Հրո. նույն տեղում, էջ 53:

³⁵ Նույն տեղում:

Резюме

Армянское Правительство Мокса
(15 мая — 15 июля — 1915г.).

Ваан Меликян

В мае 1915 года, после освобождения Мокса, Ванское губернское временное управление, в числе других уездов, формировало здесь уездное управление, которое получило название Правительство Мокса.

Это объясняется тем, что руководители героической обороны Вана Арам Манукян, Арменак Екарян и другие старались придать национально-гражданский характер сутово воссоздаваемому управлению, создававшему русским командованием.

В сложной и трагической действительности продолжавшегося Армянского геноцида и активных военных действий в Западной Армении, армянское население Мокса сумело избежать массовой резни, и в короткий срок создать стабильную и действительную гражданскую власть. После Апрельской самообороны это управление способствовало стабилизации военно-политического, административного и экономического положения Вана, благодаря чему и заслуживает особое внимание среди 14 уездов Ванской губернии.

Summary

The Armenian Government of Mocks
(The 15th of May — 15th of July 1915)

Vahan Melikyan

After the liberation of Mocks in May 1915 the provincial provisional administration of Van like the other districts formed a local administration here, which was called Government of Mocks.

It account for the fact that the leaders of the heroic defense of Van Aram Manoukian, Armenak Yekarian and the others tried to give national-civil Character to the exclusively militarized administration creating by the Russian command.

In complicated and tragic situation of the Armenian genocide and active hostilities in Western Armenia, the Armenian population of Mocks could escape mass slaughter and in a short space of time create stable and affective civil power. After the April self-defense this administration contributed to stabilization of military-political, administrative and economic condition of Van. That is why it deserves a special attention among 14 districts of Van province.